


SEJARAH TAMADUN ALAM MELAYU

ASAL USUL MELAYU, INDUKNYA DI BENUA SUNDA



Zaharah Sulaiman
Wan Hashim Wan Teh
Nik Hassan Shuhaimi Nik Abdul Rahman



فونڊيشن لوتريستي قنديديڤين سلطان ادريس
PENERBIT UNIVERSITI PENDIDIKAN SULTAN IDRIS



PERDANA
LEADERSHIP
FOUNDATION
YAYASAN
KEPIMPINAN
PERDANA



TUN DR. MAHATHIR MOHAMAD

SEJARAH TAMADUN ALAM MELAYU

JILID 1

ASAL USUL MELAYU INDUKNYA DI BENUA SUNDA

Zaharah Sulaiman
Wan Hashim Wan Teh
Nik Hassan Shuhaimi Nik Abdul Rahman

PUSTAKA PERDANA

PUSTAKA PERDANA



1011532

Cetakan Pertama / *First Printing*, 2016

© Universiti Pendidikan Sultan Idris / Geldrich (M) Sdn. Bhd. 2016

Hakcipta terpelihara. Tiada bahagian daripada terbitan ini boleh diterbitkan semula, disimpan untuk pengeluaran atau ditukarkan ke dalam sebarang bentuk atau dengan sebarang alat juga pun, sama ada dengan cara elektronik, gambar serta rakaman dan sebagainya tanpa kebenaran bertulis daripada Penerbit Universiti Pendidikan Sultan Idris terlebih dahulu.

All rights reserved. No part of this publication may be reproduced or transmitted in any form or by any means, electronic or mechanical including photocopy, recording, or any information storage and retrieval system, without permission in writing from the Penerbit Universiti Pendidikan Sultan Idris.

Diterbitkan di Malaysia oleh / *Published in Malaysia by*
Universiti Pendidikan Sultan Idris
35900 Tanjong Malim, Perak Darul Ridzuan, Malaysia.
Tel: 05-4506000, Faks: 05-4595169
Laman Sesawang: www.upsi.edu.my
E-mel: penerbit@upsi.edu.my

Dicetak oleh / *Printed by*
Percetakan Zainon Kassim Sdn. Bhd.
1 & 3, Tingkat Kilang,
Kawasan Perindustrian Ringan Jelapang,
30100 Ipoh,
Perak Darul Ridzuan,
Malaysia.


Perpustakaan Negara Malaysia

Data Pengkatalogan-dalam-Penerbitan

Zaharah Sulaiman

SEJARAH TAMADUN ALAM MELAYU. JILID 1: ASAL USUL MELAYU
INDUKNYA DI BENUA SUNDA / Oleh Zaharah Sulaiman, Wan Hashim
Wan Teh, Nik Hassan Shuhaimi Nik Abdul Rahman.
Includes index page 512
ISBN 978-967-0924-39-7
1. Civilization, Malay--History.
2. Malays (Asian people)--Ethnic identity--History.
I. Wan Hashim Wan Teh, 1949-.
II. Nik Hassan Shuhaimi Nik Abdul Rahman.
909.049923

909.049923
ZAH



Dalam Ingatan dan Kenangan Dedikasi untuk;


**Emak Meriam Abbas
Abah Sulaiman Daud**

**Allahyarham Prof. Emeritus Dato' Dr. Nik Anuar Nik Mahmud
&
Semua Waris Bangsa Melayu Sedunia**

'..setiap peradaban sejarah bangsa mempunyai epik... kisah diwasiatkan turun temurun daripada bapa ke anak. Bersamaan epik ini dituturkan juga epik bangsa yang sakti, epik yang tidak dihebahkan, tersurat abadi, dilindungi, namun ia lebih benar, mendalam dan jati. Ia adalah kisah kehidupan bangsa, tidak diberitahu dalam kata-kata, tetapi tinggal dalam perbuatan baik berkurun lama. Epik yang hidup adalah sentiasa lebih indah daripada epik yang dikisahkan. Epik sebenar, hidup dalam perlakuan peradaban bangsanya... Inilah kisah Bangsa Melayu penghuni dunia deretan pulau beribu... serumpun di Alam Melayu'...

Zaharah Sulaiman





Ku Semat Di sudut Hati

Terbentuknya Bangsa Melayu di Benua Sunda, tanah ranah ibunda, dalam evolusi puluhan ribu tahun semenjak terawal meneroka dan berlabuh. Walaupun sebahagian Aslian awal berpergian berhijrah membentuk bangsa asing, di benua lain, yang tinggal di tanah ranah nenek moyang, memupuk benih sakti keserasian, semangat juang dan semangat kenegerian, budaya tradisi kesederhanaan, dan ketimuran, bahasa ibunda rangkaian hikmah yang indah, dalam semendaan dan interaksi sebenua, membentuk bangsa Melayu dari baka yang satu itu, kami adalah Aslain Melayu. Tiada perkataan lain menyerupai nama Melayu yang bermaksud 'bangsa gunung'. Masyarakat ini berputik, membangun, merumpun, merimbun dan membina induk 'Teras' tunjangnya di pusat Benua Melayu Sunda. Entiti Aryan susulan terkemudian diistilahkan mengukuhkan adunan.

*Jiwa Melayu Teguh Berpadu
Kita serumpun di Alam Melayu*

Zaharah Sulaiman



KANDUNGAN

Prakata	9 - 11
---------	--------

BAHAGIAN I.

Bab 1	Pengenalan - Melayu Teras (Penyelidikan Afirmatif dan Konklusif)	14 - 41
-------	--	---------

BAHAGIAN II. PENEMUAN SAINTIFIK

Bab 2	<i>Homo sapiens sapiens</i> (Manusia Moden) Penjelasan	43 - 46
Bab 3	Pencerahan Istilah Konsep 'Pilihan Semula Jadi' (<i>Natural Selection</i>) dan Pengaruh Makhluk Hominid pada Manusia	47 - 60
Bab 4	Kajian Genom Manusia, Penemuan Mitokondria DNA dan Haplogroup, Mengesan Penyebaran Manusia Awal dari Afrika dan Timur Tengah.	61 - 79
Bab 5	Penghijrahan Manusia Moden Awal dan Penyebaran Ke Seluruh Dunia	80 - 88
Bab 6	Kaitan dan Kesan Letupan Toba dengan Penyebaran Manusia	89 - 100
Bab 7	Kewujudan dan Mengenalinya Benua Melayu Sunda	101 - 114
Bab 8	Penemuan Terbaru, 'Teori Out of Sundaland' Menolak 'Teori Out of Taiwan' dan Teori 'Out of Yunnan'.	115 - 137
Bab 9	Wujud Melayu Teras Hasil Evolusi Aslian dan Kompositnya	138 - 167

BAHAGIAN III. EVOLUSI DI BENUA SUNDA

Bab 10	Corak dan Budaya Penghijrahan Berkelompok Manusia Awal Menjurus Kepada Penguasaan dan Pembentukan Bangsa	169 - 213
--------	--	-----------

Bab 11	Penghijrahan Bersejarah ke Benua Sunda - Migrasi dari Timur Tengah dan Terbinanya Tamadun dan Bangsa Melayu	214 - 264
Bab 12	Teori Migrasi dan Asal Usul Rumpun (Ras) Melayu	265 - 277
BAHAGIAN IV. PEMBANGUNAN BAHASA DAN PENYEBARAN BANGSA MELAYU		
Bab 13	Pertumbuhan Bahasa Melayu; Zaman Awal dan Zaman Peralihan	279 - 340
BAHAGIAN V : PERKEMBANGAN BANGSA MELAYU		
Bab 14	Empayar Melayu Kuno di Alam Melayu;	342 - 348
Unit 1	Empayar Melayu Funan; Alam Maratim Melayu dan Politi Pelabuhan OC EO PraAngkor	349 - 381
Unit 2	Kerajaan Melayu Kuno Champa (Tamadun yang Ditakluki)	382 - 445
Unit 3	Kerajaan Melayu Awal Langkasuka, Patani Besar dan Kedah Tua	446 - 483
Unit 4	Pembentukan Kerajaan Melayu Srivijaya dan Lebuhraya Perdagangan Maratim	484 - 509
LAMPIRAN		510 - 511
	<i>Petikan al-Quran dan Inti Maksud</i>	512 - 513
	<i>Glosari</i>	514 - 515
	<i>Indeks</i>	517 - 523

PRAKATA

بِسْمِ اللَّهِ الرَّحْمَنِ الرَّحِيمِ
السَّلَامُ عَلَيكُمْ وَرَحْمَةُ اللَّهِ وَبَرَكَاتُهُ

Kami meletakkan kumpulan kami dalam kalangan penyelidik dan sarjana yang pernah menaruh kesangsian terhadap satu hipotesis besar yang dipelopori oleh Profesor Van Heine-Geldern dan kemudian disusuli oleh Profesor Peter Bellwood dan lain-lain mengandaikan asal-usul ras atau rumpun bangsa Melayu adalah dari selatan negeri China, Wilayah Yunnan atau pun Taiwan. Malah seawal bulan September 1994, atas nama Institut Alam dan Tamadun Melayu, Universiti Kebangsaan Malaysia, kami secara bersama (Wan Hashim dan Nik Hassan Suhaimi) telah membuat kenyataan rasmi menolak teori besar itu.

Setelah lebih dua puluh tahun mencari jawapan kepada persoalan ini dengan menggunakan pelbagai kaedah dan multi disiplin kajian yang saling melengkapi di antara satu sama lain, dan yang terkini menggunakan pendekatan genomics mtDNA; mensahihkan hipotesis kami disokong oleh pakar genetik, bahawa moyang kepada rumpun bangsa Melayu dan Polinesia bukan berasal dari China tetapi berasal dari Timur Tengah dan Benua Afrika. Mereka telah berada di Alam Melayu atau benua Sunda ini pada sekitar atau lebih 60,000 tahun yang lalu. Mereka juga adalah perintis dan peneraju tamadun awal di dunia pada sekitar 15,000 – 20,000 tahun Sebelum Masihi.

Kami juga tidak menolak keharusan bahawa Benua Atlantis yang hilang itu adalah milik nenek moyang bangsa Melayu. Ini sejajar dengan hasil kajian yang telah dilakukan oleh beberapa sarjana barat dan Amerika Latin seperti Profesor Stephen Oppenheimer dari Universiti Oxford, Profesor Arysio Santos dari Brazil, dan lain-lainnya, bahawa kemungkinan besar benua Sunda di Alam Melayu ini yang sebahagian besarnya telah ditenggelami air laut pada sekitar 9,000-12,000 tahun yang lalu adalah Benua Atlantis yang hilang seperti terdapat dalam tulisan ahli falsafah Greek Plato sekitar tahun 350 Sebelum Masihi.

Kami juga tidak menolak keharusan tentang kajian yang berpendapat bahawa Raja Zulkarnain Agong seperti yang terdapat dalam Al Quran surah Al-Kahfi itu melalui keturunannya dan semendaan dengan Aslian di sini adalah pengasas kepada kerajaan Melayu Purba yang terletak di Alam Melayu. Pengkaji sejarah semasa berpendapat bahawa Raja Zulkarnain Agong pendakwah agama Tauhid Nabi Ibrahim itu bukannya Alexander the Great, putera Raja Philips Makaduniah, tetapi Raja Zulqarnain atau kemungkinan Cyrus the Great dari Parsi. Oleh kerana itu kami tidak menolak kemungkinan terdapat kecelaruan fakta mahupun tafsiran sama ada disengajakan atau tidak oleh penyusun naskhah Sulalatus Salatin atau Sejarah Melayu. Tafsiran terhadap naskhah-naskhah sejarah seperti itu bagi kami wajar diragui dan diperbetulkan.

Dari segi penyebaran rumpun bangsa Melayu itu, seorang pengkaji antropologi Gathercole menulis;

"...the Malays, world's greatest colonizers spreading eventually as far westwards as Madagascar, eastward to Easter Island, northwards to Hawaii (and Taiwan ed.) and as far south as New Zealand' (The Unesco Courier, Dis., 1983).

Terjemahan:

Bagi Gathercole, rumpun Melayu adalah peneroka dan pembuka wilayah yang terhandal di dunia dengan penyebarannya yang amat luas hingga ke pulau Madagascar di barat, ke Kepulauan Easter di timur, ke pulau Hawaii (dan Taiwan, ed.) di utara, serta ke New Zealand yang jauh di selatan.."

Deskripsi oleh Gathercole ini sudah diterima umum oleh para pengkaji sebagai ruang geografi yang kini di diami oleh rumpun Melayu-Polinesia yang berkongsi asal usul sejarah dan keturunan yang sama. Alam Melayu atau 'the Malay World' adalah satu konsep yang telah lama di gunakan oleh para penyelidik serta pengembara dari Barat atau Timur Tengah sebagai satu wilayah geografi dan konsep ilmiah. Dalam dasawarsa 1980-an, penggunaan konsep 'Dunia Melayu' yang mempunyai pengertian sama melalui aktiviti tetapnya 'Pertemuan Dunia Melayu' yang telah di dilaksanakan dalam beberapa siri; siri petama diadakan di Bandaraya Bersejarah Melaka pada 18hb-20hb Disember 1982.



Gambar Hiasan : Di persembahkan khusus kepada mereka yang jendela minda sentiasa terbuka luas.

Tiga tahun kemudian, pada 1985, “Pertemuan Dunia Melayu” ke-2 diadakan di Colombo, Sri Lanka pada 3hb-12hb Ogos. Ini disusuli oleh beberapa Pertemuan lagi seperti di Jeddah, Arab Saudi, di Antananarivo, Pulau Madagascar, di Mindanao dan sebagainya. Mengenai kerajaan Melayu pertama Funan, D.G. Hall menulis, *“The Funanese were of Malay race in its widest ethnic sense”* (D. G. E. Hall, 1964:25)

Juga dalam bahasa Sanskrit, perkataan Malaya bermaksud ‘bergunungan,’ lantaran penduduk di wilayah ini dikenali sebagai ‘orang Malaya’ atau ‘Melayu’. Apabila penggunaannya sudah begitu meluas, seperti ‘orang Jawi’ atau Javakas, ‘Kun Lun’, atau ‘Malaya dan Melayu’, sudah tentulah penggunaannya itu mempunyai asas yang kukuh.

Asas yang sering digunakan adalah dari segi bahasa dari rumpun yang sama Melayu Polinesia, dan persamaan ciri-ciri budaya serta fisika dari sudut antropologi. Dapatan penyelidikan terkini yang menggunakan kaedah mtDNA menunjukkan rumpun bangsa Melayu berkongsi DNA yang sama dengan etnik Orang Asli Semenanjung terutamanya dengan puak Semang, Negrito dan Melayu Proto serta juga rumpun-rumpun pribumi di Sabah dan Sarawak (S. Oppenheimer, 2011).

Sayugia dimaklumkan bahawa sebahagian idea-idea dalam buku ini telah kami bentangkan dalam satu Konvensyen Asal Usul Melayu - Induknya Di Alam Melayu. Ia telah di adakan di Dewan Merdeka, Pusat Dagangan Dunia Putera (PWTC), Kuala Lumpur pada 20 Januari, 2012 di hadiri oleh sekitar 700 peserta serta dirasmikan oleh Tan Sri Mahyuddin Yassin, Timbalan Perdana Menteri dan Menteri Pelajaran Malaysia, ketika itu.


Antara pembentang kertas kerja di Konvensyen itu, selain ketiga-tiga penyelenggara buku ini, termasuklah Profesor Stephen Oppenheimer dari Oxford University dan Profesor Madya Dr Zafarina Zainuddin dan rakan-rakan dari Universiti Sains Malaysia, Pulau Pinang. Kedua-dua mereka ini giat membuat penelitian tentang ‘asal-usul rumpun Melayu’ menggunakan kaedah genetik mtDNA, serta Prof. Madya Dr Wan Salleh Wan Ibrahim dari Universiti Teknologi Mara dan Dr. Mukhlis Paeni, Staf Ahli Menteri, Bidang Pranata Sosial Dept. Kebudayaan & Parawisata, Indonesia.

Selain dari berperanan menangkis hujah para pengkaji sejarah luar negara mahupun tempatan yang cuba meremehkan kewujudan, peranan dan ketamadunan bangsa Melayu dalam perkembangan tamadun dunia, buku ini juga adalah jawapan secara langsung kepada pelbagai perkara yang telah ditimbulkan oleh penyeleweng-penyeleweng sejarah, dan penulis separuh matang yang berbicara tanpa menggunakan fakta hasil penyelidikan dan berniat untuk merendahkan martabat bangsa Melayu dimata dunia.


Kepada orang Melayu yang masih sangsi tentang asal-usul bangsa sendiri dan kepada yang masih kurang yakin dengan peranan dan kemajuan yang telah dicapai oleh bangsa Melayu purbakala sejak bermulanya kehidupan bertamadun di dunia, maka buku ini untuk anda. Semoga umat Melayu sedunia mendapat manfaat dan faedah daripadanya.

Profesor Emeritus Dato' Dr Wan Hashim Wan Teh

Dekan Fakulti Pengkajian & Pengurusan Pertahanan
University Pertahanan Nasional Malaysia



Gambar hiasan Bangsa dan Rumpun Melayu hari ini yang terdapat di Alam Melayu



BAHAGIAN I

PENGENALAN

BAB 1 : MELAYU TERAS (Penyelidikan Afirmatif dan Konklusif)

BAB 1



PENGENALAN - MELAYU TERAS (PENYELIDIKAN AFIRMATIF DAN KONKLUSIF)


Oleh Zaharah Sulaiman

Semua yang wujud ada asal usulnya. **Buku Asal Usul Melayu, Induknya di Benua Sunda** dalam siri Jilid-Jilid '*Sejarah Tamadun Alam Melayu*' ini, bertujuan merungkai, menyelusuri, melestari, mendalami, melengkap, dan menyelaraskan sejarah asal usul Melayu, secara sahih (*afirmative*), muktamad (*conclusive*) dan tuntas (*comprehensive*), agar tidak dipersoalkan lagi. Dengan penemuan DNA dan data data terkini, ia kini dapat menghapuskan kekeliruan, keraguan dan kesangsian yang diwacanakan oleh bangsa asing serta mengukuhkan fakta yang pribumi *Melayu Teras* telah pun wujud puluhan ribu tahun lamanya di Alam Melayu ini.

Di zaman kunonya, kegemilangan Asia Tenggara telah diperkenalkan oleh seorang pengkaji bumi Yunani (Greece) bernama Ptolemy dalam bukunya *Geographia* menamakan Semenanjung Tanah Melayu '*Aurea Chersonesus*', dalam bahasa sanskritnya *Suvarnavdipa* yang bermaksud Semenanjung Emas sementara Java dinamakan '*Labadius*', dalam Sanskritnya '*Yavadvipa*' yang bermaksud Pulau Emas. Dalam teks Hindu kuno Asia Tenggara pula dipanggil '*Suvarnabhumi*' yang bermaksud Bumi Emas¹. Teks Cina merujuk Semenanjung Malaysia dan selatan Burma sebagai '*Suvarnakudya, Wall of gold*' (Hall. 1995 ms 27). Bergenerasi orang purba di benua ini, diikuti penkaji sejarah hari ini menamakan tanah ranah dari Segenting Kra utara Semenanjung Tanah Melayu, Jawa dan Borneo sebagai benua SUNDA, penghuni dan pedagang bumi ini adalah keseluruhannya daripada rumpun Melayu dan saudara terdekatnya Polinesia.

Rumpun Melayu yang menduduki wilayah 60 peratus lilitan dunia meliputi kawasan dari Rapa Nui (Pulau Easter), hingga ke Madagascar. Dari utara ke selatan, termasuk dalaman Famosa, Filipina, Champa, Funan, Siam, Malaysia, Indonesia, Kepulauan Pasifik menjangkau kepulauan Hawaii (Hawaiki, Havaiki, Havai'i, atau 'Avaiki perkataan legenda Maori 'Layaknyaiki' atau 'Little Java'², untuk mengabadikan nama tanah air nenek moyang mereka), dan New Zealand *Aotearoa* dalam bahasa Maori antara maknanya 'long white cloud'³. (memperingati pelayaran moyang mereka yang mengharungi awan gelap dan terang sehingga menemui tanah besar), tergolong dalam rumpun Melayu daripada penyelidikan dalam kalangan kumpulan utama ethnolinguistik di dunia.

PETA ALAM MELAYU



Rajah 1.1 : Pendudukan Bangsa dan Rumpun Melayu (Malay Race) di Alam Melayu (di Semenanjung dan Gugusan Kepulauan Melayu, Madagaskar & Kepulauan Pasifik, ilustrasi Wallace.)

Sumber: Peta olahan Penulis

ENAM KUMPULAN GUGUSAN SEPERTI BERIKUT;

1. Alam Melayu Induk mengandungi : Semenanjung Tanah Melayu bersama Singapura, Borneo, Java, Sumatra dan Brunei. Alam Melayu juga merangkumi wilayah Champa, Kemboja dan Siam sebelum kedatangan bangsa Cina Hans Tai dan Dai Viet dari Tanah besar China, yang kemudiannya menguasai tanah Champa, Siam dan Kamboja.
2. Kumpulan Kepulauan Timor Timor: mengandungi Timor, Flores, Sumbawa dan Lombok, bersama kepulauan yang kecil-kecil disekelilingnya.
3. Kumpulan Celebes (Sulawesi): termasuk kepulauan Sulu, Makasar, Filipina dan Bouton.
4. Kumpulan Moluccan: merangkumi Bouru, Ceram, Batchian, Gilolo, dan Morty; bersama kepulauan kecil Ternate, Tidore, Makian, Kaióa, Amboyna, Banda, Goram, dan Matabello.
5. Kumpulan Papuan: mengandungi pulau besar mengrangkumi; New Guinea, bersama pulau-pulau Aru, Tonga, Samoa, Mysol, Salwatty, Waigiou, Kiribati, Fiji, Hawaii dan New Zealand. Kepulauan Kecil yang dikenal pasti melalui ethnologi, melalui kedudukan geografi.
6. Kepulauan Madagaskar.

**RAS
RUMPUN
MELAYU**

ANGGARAN JUMLAH POPULASI RUMPUN MELAYU & MELAYU POLYNESIA DI ALAM MELAYU

NEGARA	TARIKH - TERKINI	LUAS KM PERSEGI	JUMLAH PULAU	JUMLAH PENDUDUK	JUMLAH MELAYU & RUMPUN MELAYU POLYNESIA (AUSTRONESIA)	IBU NEGERI	KAUM & ETNIK
Indonesia	2013	1,919,000	1700	250,000,000	250,000,000	Jakarta	Melayu, Jawa, & lain..
Filipina	2013	300,000	1200	98,410,000	85,000,000	Manila	Melayu
Malaysia	2013	330,400	60	30,000,000	22,000,000	K.Lumpur	Melayu
Champa	2013	331.698	-	90,549,390	400,000	Panduranga	Cham campur
Siam	2013	513,120	150	70,300,000	20,000,000	Bangkok	Melayu Siam
Kambodia	2013	181,035	-	14,805,358	200,000	Phnom Penh	Melayu Funan & Cham
Singapura	2013	694	1	5,353,494	740,000	Singapura	Melayu
Brunei	2013	5,765	-	300,890	300,000	Bdr Sri Bagawan	Melayu
Madagascar	2013	587,041		20,653,556	15,200,000	Antananarivo	Merina campur
Samoa	2013	2,831	8	179,000	179,000	Apia	Maori Polynesia
Nauru	2013	24	1	10,000	10,000	Yaren	Maori Polynesia
Tonga	2013	671	150	105,000	105,000	Nuku alofa	Maori Polynesia
Tuvalu	2013	26	9	11,472	11,000	Funatufi	Maori Polynesia
Kiribati	2013	719	33	105,000	105,000	Tarawa	Maori Polynesia
P.Marshall	2010	171	1,225	57,000	57,000	Majuro	Maori Polynesia
Belau	2009	460	200+	20,879	19,000	Koror	Maori Polynesia
Mikronesia	2009	721	600+		111,000	Palikir	Maori Polynesia
Pulau Cook	2009	240	15	19,569	19,000	Avarua	Maori Polynesia
Pulau Niue	2010	258	1	1,398	1,000	Alofi	Maori Polynesia
New Zealand	2013	268,670	33	4,400,000	700,000	Wellington	Maori Polynesia
Afrika Selatan	2013	1,219,912	22	50,000,000	200,000	Cape Town	Melayu Cape
Sri Lanka	2013	65,000	50	21,000,000	50,000	Colombo	Melayu Jawa
Burma/Mons	2011	678,500	800	55,000,000	50,000	Rangoon	Melayu Pashu & Melayu Mon
Jumlah					394,657,000		

Rajah 1.2: Anggaran Jumlah Bangsa dan Rumpun Melayu se Dunia.

Sumber: http://en.wikipedia.org/wiki/Austronesian_peoples

Setiap sejarah bangsa ada puncanya. Setiap bangsa mesti mempunyai titik kelahirannya. Dalam konteks ini bangsa Melayu sebagai bangsa '*Induk*' kemudiannya dikelompokkan dalam Ras keluarga kelompok rumpun disebut Melayu Polynesia, atau gabungan Austronesia anjuran sejarawan barat. Luluhur bangsa Melayu Polynesia ini bukannya Mongoloid (Wan Hashim, 2009).

Ianya satu kelompok tersendiri, 'A Malay-Polynesian Race' bukannya subrace Mongoloid, ianya suatu bangsa yang amat besar antara etnik yang tertua. Terjadinya perpecahan dan perpisahan kumpulan Haplo kesemerata dunia dan membangun sebagai kaum berbeza telah membahagi-bahagikan dunia ini kepada Ras atau rumpun 'Bangsa' terbesar seperti bangsa Melayu di Alam Melayu. Diikuti bangsa Arab di negara-negara Teluk dan Timur Tengah, bangsa India di benua India, bangsa Cina di China, bangsa kulit putih di Eropah, bangsa Red Indian di Amerika dan bangsa kulit hitam di Afrika, dan seterusnya seperti yang ditunjukkan alam semula jadi, perpecahan ini adalah seperti '*Pipit sama pipit, enggang sama enggang*'. Ribuan tahun sebat dari generasi ke generasi mereka berpegang teguh semangat kejatian bangsa, kaum dan semangat kenegerian. Masyarakat dunia hari ini telah matang dalam jatidiri, keesaan, kekitaan dan kesatuan kekeluargaan dalam pembentukan bangsanya, terangkum kepada berbilang suku dari moyang haplo yang mengasing-ngasing.

Polemik mengenai asal usul Melayu mempunyai banyak punca. Antaranya, adalah bilamana kesulitan dan kerencatan dalam kalangan orang Cina untuk menyebut perkataan 'Melayu' dengan cara yang betul, sehingga mereka menyebut Me-la-yur, Moloyo dan dengan nama nama lain yang pelik-pelik. Istilah 'Malay' yang diungkap oleh bangsa Eropah dan orang Inggeris berkemungkinan tiba kepada sebutan itu, dipercayai pinjaman daripada singkatan nama bumi Semenanjung Tanah Melayu yang dipanggil sejarawan dan penjajah sebagai Malaya ketika itu.

Banyak penulisan sejarah Melayu yang diterbitkan oleh bangsa asing, merupakan pemahaman dari jauh, dari pemerhatian rambang mereka, diwujudkan kesimpulan dan spekulasi, dikategorikan bangsa Melayu yang berbilang suku kaum ini sebagai etnik-etnik berasingan, kemudian disusuli gemaan dan ikutan dari pengkritik, penulis berserta pengkaji lain memetik kesimpulan ini, tiada fakta kukuh dan tiada kewajaran hipotesis dalam banyak sudut. Tulisan sebegini apabila ditulis dan dituba bertubi-tubi kepada pembaca ia menjadi seakan sah. Tiada kewajarannya jika penulis sejarah tempatan sentiasa memperkukuhkan dan mempopularkan spekulasi barat, atau sentiasa bergantung pada spekulasi hipotesis anjuran mereka untuk menjelaskan kedudukan asal usul bangsa Melayu, sehingga tersepit dalam dilema pengetahuan asal usul bangsa sendiri.

Sejarawan bangsa asing banyak mengistilahkan pelbagai andaian, menyulitkan perkara yang dianggap biasa bagi Melayu, meremehkan perkara yang tak remeh bagi Melayu, memutar belitkan fakta sejarah sehingga memecah belahkan keharmonian serta keakraban bangsa Melayu, lebih sedih lagi sejarawan Melayu sendiri terikut-ikut memberi gambaran samar-samar dan tidak tepat tentang asal usul bangsanya. Bahan ini menjadi asas 'ulam' memperhebatkan pertikaian, debatan dan bahasan (tajuk kehandalan kepakaran bangsa asing yang sentiasa mencari rongga rongga untuk didebatkan nama Melayu ini) sehingga kemuncaknya orang Melayu sendiri menjadi ragu ragu tentang asal usul mereka. Tiada dalam gabungan Ras manusia yang diiktiraf dunia mengatakan suku Minang, Dayak, Iban, Jawa, Rawa, Bugis, Champa atau Siam itu sebagai bangsa utama atau suku bangsa yang berlainan.

Ini kerana rentetan keturunan Melayu boleh dimaksudkan sebagai etnik Melayu Asli (Orang Asli), Melayu Siam, Melayu Kemboja, Melayu Champa, Melayu Mon-Pyu, Melayu Jawa, Melayu Iban, Melayu Dayak, Melayu Melanau, Melayu Dusun, Melayu Kadazan, Melayu Rawa, Melayu Bugis, Melayu Minang, Melayu Aceh, Melayu Filipina, Melayu Nusantara, Melayu Madagaskar dan ras rumpun Melayu dari kepulauan Polynesia, Melayu dalam semua negeri Semenanjung sebagai suku kaum dalam ras rumpun Melayu. Maksudnya Jawa itu Melayu, Siam itu Melayu, Minang itu Melayu, Moro itu Melayu, Dayak itu Melayu juga. Mereka ini hanya pecahan kepada suku-suku bangsa Melayu, pecahan komposit bangsa Melayu.

Sama ada mahu menerima realitinya atau pun tidak, mereka kesemuanya sebangsa daripada latar belakang rumpun yang tidak jauh berbeza. DNA yang telah disebutkan dalam evolusi tamadun dan semendaan ulangan sebenua akibat merantau, jangkauan evolusi in-situ (tidak berganjak) berpuluh ribu tahun menghasilkan kaum komposit Melayu yang lebih moden. Suku kaum kepada etnik bangsa Melayu ini adalah sebaka dan serumpun. Kesemua Melayu Asli (orang asal) ini sebenarnya tidak berasal dari Yunnan atau Taiwan sebaliknya orang Yunnan dan Taiwan sebahagian besar berasal dari Asia Tenggara. Ini akan dijelaskan selanjutnya.


Ketika zaman ais, Asia Tenggara kuno disatukan oleh Pentas Sunda yang menghubungkan Sumatera, Semenanjung Tanah Melayu, Jawa, Borneo dan Filipina, (ia bercantum sebagai satu benua), dengan tanah besar Asia dan pentas Sahul yang menghubungkan Australia. Perairannya cetek dan mudah dilalui. Benua tersebut mendedahkan sebahagian besar tanah Asia Tenggara, lantaran mewujudkan beberapa laluan penghijrahan bebas untuk haiwan dan manusia di antara tanah besar Asia, apa yang hari ini dikenali sebagai Gugusan Kepulauan Melayu atau Nusantara.

Pembentukan fizikal benua Sunda wujud semenjak fasa-fasa glasier era Pleistosen akhir, sewaktu paras permukaan laut rendah hinggalah apabila ia naik selepas zaman Halosen (rujukan dan rencana yang lebih jelas pada tajuk Bab 7).

Benua Sunda (berpecah kepada Guggusan Kepulauan Melayu) dihitug dua kali lebih besar daripada benua India. Laut Champa, Teluk Siam dan Laut Jawa yang pada zaman itu dalam keadaan kering kontang menjadi dataran pelantar menghubungkan beberapa bahagian benua...

Benua Sunda (Guggusan Kepulauan Melayu / Nusantara) dihitung dua kali lebih besar daripada benua India. Laut Champa, Teluk Siam dan Laut Jawa yang pada zaman itu dalam keadaan kering kontang menjadi dataran pelantar yang menghubungkan beberapa bahagian benua tersebut. Dari segi geologi, benua yang kini separuh tenggelam itu ialah benua SUNDA atau Sundaland istilah penulis barat. (Alangkah nostalgik dan indahny jika dapat diabadikan nama Sundaland ini kepada Laut Pentas SUNDA menggantikan nama Laut China Selatan yang tiada kesinambungannya dengan rantau ini).

Stephen Oppenheimer, 1999 mengajukan kajiannya bahawa di benua Sunda inilah bermulanya tamadun manusia yang menyuburkan budaya-budaya hebat di China, India, Mesopotamia, Mesir dan Kepulauan Crete (berhampiran Greece) kira-kira lebih 6,000 tahun dahulu⁴, atau mengikut De Silva (dipetik oleh Wan Hashim, 1994) bangsa Melayu wujud dan terbentuk 15,000 tahun Sebelum Masihi⁵.



Rajah 1.3: Evolusi dan Semendaan ulangan Manusia di Benua Sunda membentuk Bangsa Melayu Teras. Sumber: Peta olahan Penulis

Teori Oppenheimer bersama pakar genetik yang lain disokong dengan bukti yang diperoleh daripada kajian etnografi, arkeologi, oceanografi, cerita-cerita lama, mitos, saga, dan hasil analisis linguistik serta yang mutakhir, mtDNA. Kesemua ini dikaji secara mendalam hingga beliau berjaya merumuskan bahawa 'tamadun unggul di benua Sunda' ini dimusnahkan oleh tiga tragedi banjir besar pada penghujung zaman ais yang menyebabkan paras permukaan laut naik dengan mendadak.

Hasil evolusi Orang Asli kumpulan 'Haplo' daripada migrasi gelombang yang terawal, dalam evolusi semendaan selama 50,000 tahun di pusat benua Sunda kemudian berpecah kepada beberapa komposit aslian lain dikatakan Proto Melayu, membangun kepada Melayu moden sehingga terbentuk Ras dan rumpun Melayu (the Malay race), bertunas, berakar umbi, beradun, merumpun, merimbun, hingga terbina 'Induk dan tunjangnya' disebut sebagai Melayu Teras. (Rajah 1.3)

Kedudukan dominan bangsa Melayu amat meluas, terbukti jelas apabila kita lihat pada kemiripan bahasa, persamaan warna kulit mereka (warna ciku, sawo matang dan kuning langsung), ciri-ciri wajah, bentuk tubuh dan ketinggian badan dan sifat ketimuran serta perangai yang sama (kecenderungan kepada kehidupan ringkas dan serdehana, masyarakat berstrata tetapi aman bahagia).

Walau di mana pun mereka merantau dan berlabuh, mereka sebenarnya serumpun. Mereka terpisah dari kawasan asal untuk mencari peluang, memenuhi kehendak, atau pun dipaksa ketentuan alam. Disebabkan fakta-fakta ini mereka tidak dapat pulang ke tempat asal sekiranya tempat asal mereka masih wujud. Ini bererti suku-suku komposit Aslian atau Proto Melayu yang kemudian membangun sebagai Melayu Teras kemungkinan mempunyai beberapa perkampungan tempat asal sepanjang penyelerakan mereka. Daripada hasil apa yang dapat dilihat sekarang, jelas terbukti mereka berterusan berhubung mesra di antara mereka.

Orang Asli Semang Senoi berpecah kepada beberapa komposit aslian lain dikatakan Proto Melayu, membangun kepada Melayu moden sehingga terbentuk Ras dan rumpun Melayu (the Malay race), bertunas, berakar umbi, beradun, merumpun, merimbun, hingga terbina 'Induk dan tunjangnya' disebut sebagai Melayu Teras.

Negara Indonesia melihat suku-suku kaum yang pergi merantau disebut *Melayu Anak Dagang* seperti suku Jawa, Minangkabau, Riau, Mandailing, Aceh, Bugis, Banjar atau Champa, hakikatnya, istilah nama Melayu masih digunakan. Setelah sekian lama berevolusi, berkampung dan menetap, kawasan tersebut akhirnya menjadi tanah ibu kandung (*homeland* atau *heartland*) di mana budaya dan bahasa mereka dilahirkan dan terbentuk, menjadi semakin kompleks dicirikan oleh kepelbagaian dan perbezaan dari segi tradisi, pelat, dialek dan tambahan kosa kata kepada bahasa Melayu asas dan faktor-faktor lain. Hari ini rumpun Melayu yang berjumlah 400 juta penduduknya masih bertutur sama ada dalam bahasa Melayu atau masih menggunakan cebisan perkataan-perkataan Melayu kuno yang diwarisi dari moyang mereka. Lumrah alam, amalan agama berbeza akibat terpisah dan terasing terlalu lama daripada masyarakat asal sejak malapetaka dan tragedi banjir besar.

Kedaaan ini, geografi dan iklim, amalan, ikutan dan kepercayaan, pimpinan, peperangan, penghapusan etnik, anarki dan sebab sebab lain membezakan dan memisahkan rumpun Melayu ini. Suku-suku kaum Melayu ini mungkin berbeza pada peradabannya, yang pasti tercatat berzaman dalam sejarah, terkini terbukti dalam penemuan DNA dan percambahannya, mereka adalah dari moyang sebaka serumpun. Bangsa Melayu bukannya diwujudkan daripada sesuatu penjelmaan minda penjajah. Bangsa Melayu bukan mempunyai konsep yang cair atau bangsa yang bertindan seperti yang dibincangkan oleh sejarawan Adrian Vickers.

Hipotesis Adrian Vickers berbunyi:

Up until the late nineteenth century 'Malay' was a fluid category. I wish to argue that Malay, like Javanese, has no essence, and particularly no national essence. Malay is a hybrid identity formed by combinations of antipathies and interchanges predating the one way street view of late nineteenth-century colonization.
(Adrian Vickers, 2004)⁶

Terjemahan

Sehingga lewat abad kesembilan belas 'Melayu' adalah dikategorikan sering bertukar/bergerak (tidak menetap)... Saya ingin berhujah bahawa Melayu, seperti juga orang Jawa, tidak mempunyai asas, dan terutamanya tiada asas atau dasar kebangsaan. Melayu adalah identiti hibrid (kacukan) yang dibentuk oleh gabungan hasad dengki dan saling berubah, semenjak pandangan sehala zaman penjajahan pada lewat abad kesembilan belas.

Hipotesis Adrian Vickers ini berbau diskriminasi, kerana lazimnya bangsa dunia adalah identiti hibrid, sama ada semendaan antara suku kaum atau dengan etnik asing. Tuduhan sembarangan mensifatkan Melayu sebagai 'gabungan/kombinasi hasad dengki' ini agak keterlaluan, kerana secara amnya orang zaman kuno termasuk bangsa Eropah, kurang bertamadun, sebelum didisiplinkan oleh fitrah tauhid dan agama. Tamadun membangun secara beransur tetapi pasti. Hipotesis Weber, Bellwood dan Blust merekodkan dan membudayakan Melayu sebagai berasal usul dari Yunnan dan Taiwan dari awalnya membingungkan⁷.

Bangsa Melayu bukannya baru tertubuh setelah penjajahan Barat atau 'pendekatan baru' (*novel concept*) seperti apa yang diajukan sejarawan Anthony Milner 2011⁸, atau 'Race of Construct' (*bangsa yang dibina*) seperti ditulis dan tercatat dalam 'The Oxford History of Historical Writing' 1800-1945⁹.

Rumpun bangsa ini bukan hanya berpusat di Selat Melaka seperti diulas oleh Anthony Reid 2004. Menurut Reid, konsep dan nama tertentu (kaum-kaum) direka bagi mengenal pasti identiti dan kategori penduduk di Gugusan Kepulauan Melayu. Konsep-konsep tersebut kemudian digunakan sebagai label sosial oleh orang luar. Menurut andaian dan spekulasi Reid, selepas kejatuhan Kesultanan Melaka pada 1511, konsep keMelayuan berkembang dua cara. Ia diguna bagi menetapkan dan mengakui (untuk mendapatkan) hak mewarisi takhta kerajaan atau untuk mengakui sama ada seseorang itu benar-benar mempunyai darah keturunan Melayu Srivijaya dan Melayu Melaka¹⁰.

Terdapat juga fakta-fakta yang disusun mengikut hipotesis dan andaian seorang penulis tempatan yang dipegang teguh oleh penulis barat, mengibaratkan konsep jenama bangsa Melayu itu kononnya dibina, dikanun dan diberi nyawa oleh Orientalis-penjajah. Penilaian ini menunjukkan kecacatan kajian dan dimana letak kewajarannya. Fakta-fakta ini mengelirukan, seolah-olah kedudukan anak jati dan pribumi yang telah sedia ada puluhan ribu tahun menduduki tanah ranah ibunda mereka di Asia Tenggara ini tidak mempunyai nama atau bangsa. Di mana letaknya kewibawaan penulis dan pengkaji sejarah yang sentiasa tidak selesa dengan kewujudan bangsa Melayu.

Dari penyelidikan kami, kini didapati tiada bangsa yang diistilahkan Melayu Deutero menjajah Asia Tenggara. Hipotesis Melayu Deutero adalah suatu jelmaan yang diwujudkan tanpa fakta kukuh dan kajian saintifik. Nama ini 'dipinjam' oleh Van Geldern, istilah 'Deutero' (bermaksud penghijrah) dari kitab Yahudi disebut Deuteronomy. Beliaulah yang mendaftarkan nama nenek moyang orang Melayu moden sebagai 'Melayu-Deutero' yang bermaksud penghijrah susulan dari entiti berasingan¹¹. Jikalau bagitu dimanakah letaknya negara Melayu Deutero ini?. Bersandarkan kajian terbaru pengarang buku ini mencadangkan Melayu Deutero seharusnya tidak wajar diguna pakai lagi. Ini kerana Melayu teras atau Melayu jati itu telah terbentuk dan wujud belasan ribu tahun lebih awal, kemudian menghasilkan pecahan Melayu komposit atau pun suku-suku kaum bangsa Melayu yang terdapat di Asia Tenggara hari ini. Migrasi susulan terkemudian yang berinteraksi dengan Melayu teras atau Melayu tulen ini wajar disebut sebagai kacukan atau masuk Melayu. Mereka Melayu juga seadanya.

Karl Anderback bersetuju *Melayu Duetro* tidak wujud dan pernah ajukan subjek yang sama pada Sixth International Symposium di Bali 2002¹¹.

Perjalanan, perdagangan dan jaringan antara suku-suku kaum bangsa Melayu di Alam Melayu selama belasan ribu tahun ini menjadi terbantut dan terhad berikutan penjajahan Tai, Dai, Portugis, Belanda, Sepanyol, dan British. Sekatan ini menjadi salah satu punca kerenggangan antara suku-suku kaum Melayu yang menduduki Kepulauan Melayu sejak mewarisi dari moyangnya. Dahulunya pergaulan antara suku-suku kaum bangsa Melayu ini amat mudah, semendaan dan interaksi antara mereka menjadi perkara biasa kerana mengikut sejarah Melayu, Sultan, ketua kerajaan, panglima atau penghulu lazimnya akan memilih pasangan dari suku kaum sebangsa tetapi dari wilayah kerajaan Melayu yang lain bagi merapatkan silaturrahim. Evolusi semendaan antara suku kaum ini menjadikan mereka masih sebangsa iaitu bangsa Melayu teras.

Walaupun tiga tragedi banjir besar merupakan faktor utama dalam perpisahan dan penyebaran umat dari benua Sunda kebahagian kepulauan dirantau ini tetapi hubungan antara mereka masih kekal intim apabila bangsa Melayu menjadi mahir dalam pembinaan kapal untuk mengharungi samudra. Lantaran apabila dijajah, kerajaan dan tamadun yang tersusun itu hilang arah hierarki dan strukturnya, kaumnya terpinggir, terpisah akibat dipecah perintah. Peminggiran yang terlalu lama, tersendiri membentuk keasingan dalam semua cara. Akibatnya, jalinan perpaduan, semendaan antara suku-suku kaum semakin sukar, jesteru terjadi perbezaan dari segi ikutan, tradisi, bahasa, agama dan adat resam, seakan mereka bukan serumpun.

Penjajah sebagai kuasa besar kerap menakutkan Pribumi dengan senjata hebatnya, mengaburi kelicikan politik mereka secara diplomatik, menguasai ekonomi sambil menyuntik pencerobohan budaya terhadap Pribumi dalam bentuk penaklukan 'ruang epistemologi', teori pengetahuan dalam semua skop dan bidang, campur tangan dengan sistem pemikiran pribumi tempatan. Bagi memburukkan keadaan, negeri mereka dimajmukkan secara terancang.

Kepada penduduk yang daif, sistem ini menghadkan keupayaan mereka untuk menentukan dunia mereka. Secara perlahan tapi berkesan modus operandi penjajah ini menjadi senjata mutlak menukar dunia Melayu menjadi sulit dan sukar. Melayu menjadi berpuak-puak terpisah, akibat dipecah perintah.

Seterusnya, bagi mengarahkan perhatian kepada skop yang lebih luas diaspora kaum ini, di sekitar kawasan gugusan Kepulauan Melayu, ramai yang masih berpegang kepada bahasa Melayu, adat istiadat dan amalan perdagangan sejak zaman kegemilangan Funan, Champa, Siam, Langkasuka, Kedah Tua, dan Kerajaan Melayu Mon Hamsavati 'kerajaan Angsa' di Burma.

Masyarakat purba Funan, Champ, Siam, Ligor, Tambralinga, Srivijaya, Semenanjung Tanah Melayu, Majapahit, Borneo, Sulu, Mindanau, Luzon dan Mikassar, mereka adalah Melayu dalam rumpun Melayu tanpa menyedarinya. Agak mengelirukan andaian Anthony Milner 2011, mengulas dan beranggapan Empayar Melayu Srivijaya yang berkerajaan selama lebih 1,000 tahun itu, dianggap sebagai 'bukan Empayar Melayu yang tulen!' tetapi lebih mirip kepada kerajaan 'gabungan perdagangan' (*Hanseatic-like*)¹².

Persepsi ini tidak wajar kerana jelas terbukti empayar Melayu Srivijaya 2000 tahun dahulu adalah punca utama menghidupkan perubahan dinamik dalam gagasan Melayu moden, obor dan penyubur kepada pembangunan bangsanya, pemodenan dalam banyak kepakaran.

Pelbagai catatan dari pengembara pedagang Arab pada zaman itu menyatakan dengan jelas bahawa bangsa Melayu aktif berdagang hingga ke Timur Tengah. Aslian Melayu yang menduduki luaran, umpamanya pesisir pantai dan membuat perkampungan telah membangun lebih cepat dalam ketamadunan dan kepakaran dalam banyak bidang terutama pelombongan emas, bijih timah dan logam lain serta pembuatan dari besi.

Rentetan dari itu, sejarah menulis Asia Tenggara sebagai pengasas peradaban manusia terawal (*Cradle of Human Civilisation*)¹³. Segelintir Orang Asli yang memencilkan diri di hutan kini bukanlah bangsa yang asing, mereka adalah daripada baka dan kerabat Melayu yang sama. Mereka bukan disisih tetapi adalah pilihan sendiri, yakni lebih selesa membuat kehidupan di dalam hutan.

Bahasa jiwa bangsa, di mana saja mereka berada, dari Nusantara hingga ke Kepulauan Pasifik, bahasa Melayu bukan sahaja bahasa lingua franca, malahan sebenarnya ia adalah bahasa asli kepada bangsa penutur itu, bahasa moyang bangsa Melayu di Alam Melayu.

Tok Batin, ketua kaum, penghulu, panglima, pahlawan dan raja empayar Melayu zaman purbanya, telah lama mengariskan sempadan suku kaumnya, mendirikan pemerintahan wilayah-wilayah dan kerajaan kecil di rantau Kepulauan Melayu hingga ke Champa, lama sebelum kedatangan penjajah. Ketamadunan ini dirangkumkan dan terbinalah, '*Zaman Kukuh Bahasa*' 14 ribu tahun dahulu, '*Zaman Kukuh Sempadan Geopolitik / Kerajaan*' 14 ribu tahun dahulu dan diikuti '*Zaman Kukuh Agama*' anggaran 6 ribu tahun dahulu (Zaharah, 2013).

Kerangka dan hipotesis ukuran pentarikan sempadan ini mungkin agak longgar, tetapi hampir pasti kerajaan atau perkampongan kecilan mungkin sudah tertubuh berpandukan kajian P.Soaes et al., 2008¹⁴. dimana Haplo E berevolusi selama 35,000 tahun di benua Sunda in-situ (tidak berganjak) kemudian bangsa atau komposit bangsa ini menyebarkan dan terpisah 14,000, 8,000 dan 7,000 tahun dahulu akibat tragedi banjir besar. Ketara hingga kehari ini walaupun terpisah, menduduki tempat terpencil di kepulauan yang lain, mereka masih bertutur bahasa Melayu yang asas itu. Ini menunjukkan semasa terpisah mereka adalah sebangsa yang menutur bahasa yang satu itu; Itulah asas sandaran kiraan pentarikan sempadan kepada '*zaman kukuh bahasa*' dan '*zaman kukuh sempadan geopolitik dan kerajaan*' 14,000 tahun dahulu.

Melalui kegiatan maritim yang aktif yang menjadi tunjak ketamadunan dan kerajaan-kerajaan Melayu dengan kerajaan Rome, Arab Timur-Tengah dan Parsi, telah menjaring rangkaian perdagangan yang wujud sejak zaman kerajaan Firaun Mesir, kerajaan zaman nabi-nabi. Ini berdasarkan pinjaman beberapa bahasa Aryan sanskrit kedalam bahasa Melayu dan tulisan kuno Phoenician yang menyerupai tulisan Rencong.

Ciptaan melombong, dan kepakaran alam maritim merupakan penemuan bangsa Melayu yang terunggul. Tamadun ini mula mengembang 4 ribu ke 6 ribu tahun dahulu atau lebih awal, merapatkan hubungan dengan pedagang rantau Timur Tengah yang membawa bermacam ragam agama menyokong teori tentang zaman kukuh agama dirantau ini ketika itu. Agama yang pertama yang diperkenalkan ialah Buddha diikuti agama Tauhid (*adab ketamadunan*), agama Hindu menyusul untuk seketika dan akhirnya majoriti bertukar menganut Islam dan sebahagiannya Kristian adalah ikutan penduduk Asia Tenggara hingga kini.

Semenanjung Tanah Melayu dan Alam Melayu telah menyaksikan kebangkitan dan keruntuhan empayar Melayu, seperti kerajaan Funan, Annam Champa, Langkasuka, Kedah Tua, Melayu Srivijaya, Ayutthaya, Minangkabau, Aceh, Majapahit, Kesultanan Melaka, Portugis, Belanda, Jepun dan British diantaranya. Nama Melayu bukannya datang dari jelmaan nama sungai, nama bukit, nama kerajaan atau nama mukim, tidak terlintaskah kemungkinan sungai, bukit dan mukim ini mengambil sempena nama bangsa Melayu sebagai kenangan dan sanjungan? Siapakah yang menamakan nama sungai itu kalau bukan bangsa Melayu sendiri, bermakna nama Melayu itu teramat tua, telah terbentuk lama.

Kerana genetik bangsa Melayu itu besar dan dominan, bahasanya menjadi dominan. Jikalau suku Jawa itu adalah satu bangsa bukan etnik Melayu, memandangkan populasinya yang teramai, kenapa bahasa Jawa tidak dominan atau menjadi bahasa lingua-franca? Ini adalah kerana bahasa Jawa asas itu adalah bahasa Melayu. Sebenarnya apa yang disebutkan sebagai hasil kajian yang membawa kepada kesimpulan negatif oleh hanya sebelah pihak, adalah tuduhan melulu dan mereka mempunyai agenda-agenda tertentu.

Tiada Melayu Deutro dalam pembentukan Melayu Teras. Hipotesis Melayu Deutero adalah suatu jelmaan yang diwujudkan tanpa fakta kukuh dan kajian saintifik.

Penulis sejarah Singapura Timothy P. Bernard 2004 pengarang buku 'Contesting Malayness', dan pengkritik licik Michael Chick mempamerkan ketidakselesaian mereka dengan jenama bangsa Melayu secara terbuka. Timothy Bernard mencabar bangsa Melayu membuat simposium hingga ke University Leiden Belanda untuk menidakkan apa yang hakikatnya jati pada rumpun dan ras Melayu. **Pelik tabiat mereka** ini menysar dan menuntut jawapan dan kewibawaan bukti status Peribumi Melayu.

Lebih malang apabila dilihat, mereka yang mempunyai agenda dan kepentingan memutarbelitkan fakta-fakta ini dalam blog dan website, mengadu-dompok sejarah yang direka mereka sehingga pembaca tertipu dan keliru dengan wacana permainan licik yang terancang.

Menurut Timothy P. Bernard:

*“that Malay are always on the move, and transforming themselves often very elusively, and theirs is a contested and wandering identity. Be that as it may, the primacy of language has been the basis of further explorations into the boundaries of the Malay culture, a Malay nation, a Malay race, a Malay State, or a Malay identity, and each of those concept has been given an historical depth of which the validity remains questionable. The precise meaning of ‘Malay’, ‘Melayu’ or ‘Maleis’, in short have never been established and never will be. **That very fact makes thinking, writing, and talking about Malay world a daring endeavour, and the result will continue to be contested...**” In one way or another, ‘Melayu’ ‘Malay’ and ‘Maleis’ refer to a loosely configured world.*

*Officials discussions about the meaning of the word have led to the definition that is embedded in various form nationalism and regionalism, **and have been elaborated into awkward and shaky constructions and throwing uneasy shadows and echoes over Southeast Asia**, where ‘Malay’ can be refer to a number of deferring groups, ranging from speakers of Austronesian languages to small groups scattered over islands in and around Melaka Straits.*

(Timothy Bernard, 2004)¹⁵

Terjemahan:

*“Orang Melayu sentiasa berpindah randah, sering menukar identiti mereka hingga payah dikenal pasti. Identiti mereka sentiasa menjadi perbincangan kerana cara hidup berpindah randah yang diamalkan...Walaupun demikian keutamaan yang diberikan kepada bahasa menjadi asas kajian selanjutnya ke atas budaya Melayu, negara Melayu, Bangsa Melayu atau identiti Melayu, dan tiap satu daripada **konsep tersebut diberikan urutan sejarah yang belum tentu pasti dan sah**. Maksud tepat istilah ‘Melayu’, ‘Malay’ atau ‘Maleis,’ secara singkatnya belum lagi berjaya ditentukan dan tidak mungkin akan dapat ditentukan. Disebabkan kesukaran ini sebarang usaha untuk menulis, memikir atau membincangkan **tentang dunia Melayu merupakan usaha yang amat sukar, dan hasilnya akan terus dipersoalkan dan dipertikaikan.**”*

*Bagaimana sekali pun, istilah ‘Melayu’, ‘Malay’ dan ‘Maleis’ secara kasarnya merujuk kepada sebuah dunia yang tersusun. Perbincangan-perbincangan rasmi mengenai erti istilah tersebut telah membawa kepada satu definisi yang tertanam pada pelbagai bentuk nasionalisme dan kawasan. Ia juga dihuraikan menjadi pelbagai pembentukan **goyah dan janggal, lantaran mewujudkan bayangan kebimbangan dan melontarkan gemanya ke seluruh Asia Tenggara**. Istilah ‘Malay’ dirujukan kepada beberapa kumpulan berbeza, termasuk mereka yang bertutur dalam bahasa-bahasa Austronesia hinggalah kepada kumpulan-kumpulan kecil yang hidup berselerakan di sekitar Selat Melaka.*

Mengikut artikel Michael Chick yang disebar dalam beberapa website menyifatkan Bugis itu bukan bangsa Melayu dan menggambarkan kaum Bugis sebagai suku kaum yang mempunyai mertabat yang rendah. Beliau beranggapan:

The Bugis are the cross-breed between the Mongolian Chinese and the marauding Arab Pirates. Interestingly, the Bugis, (just like their Arabic ancestors) were career Pirates in the Johor-Riau Island areas.

(Michael Chick, 2007) ¹⁶

Terjemahan:

Orang Bugis adalah campuran baka Cina Mongolia dan pelanun Arab. Menariknya, orang Bugis (sama seperti nenek moyang Arab mereka) menjadikan melanun sebagai kerjaya mereka di kawasan kepulauan Johor-Riau.

Apa yang ingin dipersoalkan Timothy Bernard dan Michael Chicks sebenarnya adalah bangsa Melayu tidak wujud. Dengan fakta sejarah Melayu yang mengunung sebagai bukti sahih, terserlah semenjak purba kala, teramat kuno lamanya, pada mereka, bahan bukti ini masih tidak mencukupi, mereka berusaha keras memperagakan kepentas dunia seolah-olah terdapat banyak kecacatan pada jenama bangsa Melayu. Buku 'Contesting Malayness' 2004, adalah sesuatu yang bersifat menghasut dan rasis ditulis dengan tujuan menimbulkan kemarahan dan kebencian.

Di muzium Singapura umpamanya dipamerkan diruang depan bangunan, Melayu sebagai pelanun dan perompak. Gambar dan video ini di ulang tayang dan dipamerkan selama berpuluh tahun seperti memahat di kepala pengunjung yang Melayu ini pelanun dan perompak! Cina, Viking dan Portugis pun banyak melanun dan merompak, malah Raja Chola India, menjadikan melanun dan merompak sebagai kerjaya kerajaannya.

Mereka lupa Singapura itu adalah negeri Melayu, satu ANUGERAH diberi percuma atas dulang emas oleh Tunku Abdul Rahman suatu keputusan berseorangan - (almost unilateral) bukan keputusan rakyat Malaysia, kerana tiada referendum dibuat. Suatu kesilapan yang terbesar yang dilakukan oleh Tunku yang ketika itu serabut dengan kerenah dan kekalutan Lee Kuan Yew yang menyeksa, menekan, menyesak dan mengasak rakyat Semenanjung. Tunku berada di London pada masa itu akibat menderita penyakit Kayap (*Shingles*). Rakyat Melayu terperanjat sedih dan marah atas perbuatan dan keputusan mendadak Tunku ketika itu.

'Hari sejarah paling hitam' sedih pilu diratapi seluruh umat Melayu, tidak wajar tanah ranah Melayu Singapura yang baru saja dipulangkan oleh British setelah kehilangannya sekian lama diserahkan percuma saja, atas dulang emas kepada bangsa asing. Kewibawaan jati diri dan semangat patriotisme, amanah dan amanat yang diberikan rakyat bangsa Melayu kepada pemimpin mereka kini kian dipersoalkan. Rakyat dan kerajaan Malaysia masih mempunyai pilihan, umpamanya memberi pemerintahan '*autonomi terhad*' untuk 30-50 tahun, terpelihara teguh dalam Persekutuan Malaysia. **Kesultanan Melayu di Singapura digula gulakan, Singapura dirampas, Kesultanan Melayu ditamatkan, Istana mereka di museumkan, Melayu juga nak dimuseumkan?** (Prof. Nik Anwar Nik Mahmud). Sejarah yang telah berakar umbi dalam minda rakyat Singapura dan Malaysia ialah pada sidang akhbar pada tahun 1965, lakonan bekas Perdana Menteri Lee Kuan Yew menitiskan air mata selepas Singapura '*ditendang*' dari Malaysia.

Petikan dari akhbar New Straits Times 24 Dec 2015, kini ternyata, dalam pemisahan Singapura dari Malaysia dirancang dengan begitu licik dengan pendedahan sebahagian dokumen rahsia dari fail '*Albatross*', dalam penyimpanan Dr Goh Keng Swee, dipamerkan di Galeri Stamford Muzium Negara Singapura bertajuk '*Kami Membina Suatu Negara*' yang memberi butiran terbaru peristiwa-peristiwa yang membawa kepada pemisahan Singapura dari Malaysia.¹⁷

Sebelum ini satu pendapat yang disiarkan di New Straits Times oleh Edmund Lim, seorang pelajar PhD di Universiti Teknologi Nanyang menulis bahawa nama '*Albatross*' itu adalah merujuk kepada Malaysia, dan bagaimana penggabungan dengan Malaysia telah menjadi '*Albatross*' - '*sesuatu melilit leher mereka*', satu '*metaphor*' untuk dibebani. Albatross bermaksud sejenis burung laut yang besar atau maksud lain, sesuatu yang menyebabkan kebimbangan berterusan atau sesuatu kebimbangan yang banyak menghalang pencapaian. Metaphor bermaksud suatu ungkapan di mana perkataan atau frasa yang biasanya digunakan membuat perbandingan tersirat, seperti dalam '*lautan masalah*'.¹⁷

Dr. Goh merupakan orang kanan Lee Kuan Yew berkhidmat sebagai Menteri Kewangan, Menteri Pertahanan dan Menteri Pendidikan dan Timbalan Perdana Menteri, memainkan peranan utama dalam rundingan pemisahan Singapura daripada Malaysia. Dr Goh telah memelihara fail Albatross selama beberapa dekad, pameran menekankan tiga dokumen penting.

Yang pertama ialah surat tulisan tangan daripada Lee Kuan Yew, yang menyatakan:

'Saya memberi kuasa kepada Goh Keng Swee untuk berbincang dengan Tun Razak, Dato Ismail dan mana-mana Menteri Persekutuan yang lain, yang mempunyai kuasa setanding dalam perkara-perkara berkenaan sebarang cadangan penyusunan semula Malaysia'.¹⁷

Perkara kedua penting ialah pemberitahuan memorandum daripada Lee Kuan Yew pada tahun 1965:

'Apabila Tunku pertama kali memaklumkan kepada Goh Keng Swee pada Disember tahun 1964, keinginannya untuk Singapura 'keluar dari sarang Tanah Melayu', ia menjana keseronokan yang terbesar di kalangan mereka, pertama kerana ini menunjukkan kesedaran bahawa mereka tidak boleh tetap dalam Malaysia yang mempunyai Ketuanan kaum Melayu selama-lamanya. Seterusnya, ia memberi mereka peluang melarikan diri, jikalau masalah pergaduhan kaum di Tanah Melayu atas isu bahasa dan isu-isu lain tercetus. Mereka mungkin dalam apa-apa penyusunan semula melindungi diri mereka dari konflik perkauman yang membina di Tanah Melayu'.¹⁷

Seterusnya Lee Kuan Yew menulis bahawa 'tarikan terbesar penyusunan semula ini menjadi harapan mereka untuk mendapatkan manfaat dari semua sudut. Penguasaan pasaran, kestabilan politik dengan perkembangan ekonomi, dan autonomi di Singapura tanpa gangguan dari Kuala Lumpur. Gambaran Singapura yang makmur dan berkembang lebih baik daripada Malaysia'. Dokumen akhir terdiri daripada nota tulisan tangan oleh Dr Goh semasa mesyuarat pada 20 Julai 1965 di pejabat Tun Razak.

Menurut nota Dr Goh, beliau memujuk rakan sejawatan di Malaysia bahawa satu-satunya jalan keluar 'adalah bagi Singapura untuk benar-benar menarik diri', dan 'ia mesti dilakukan dengan cepat, dan secara senyap-senyap, dan 'presented as a fait accompli' bermaksud dibentangkan sebagai satu perkara yang telah berlaku atau telah diputuskan sebelum orang umum mendengarnya, sebelum rancangan terjejas, meninggalkan mereka tanpa pilihan tetapi untuk terus menerima'.¹⁷

Pihak British turut terperanjat kerana pihaknya tidak diberitahu, walhal Persekutuan Tanah Melayu sebelum itu berusaha gigih untuk mendapatkan Singapura tanah ranah Melayu kembali.

Melayu jika dikira sebagai kumpulan masyarakat daripada **satu** suku kaum, bertutur dalam satu bahasa dan berkongsi pertalian tradisi dan budaya, bukanlah bangsa yang baru, tetapi telah wujud puluhan ribu tahun, suatu bangsa yang amat kuno. Orang Melayu sebenar terkenal dengan sifat toleransi, budi pekerti yang tinggi, akomodatif dan hidup sederhana.

Ciri-ciri mulia yang dipupuk dan diasah tradisi turun temurun dan kemudian diletakkan dalam kategori dan kelas sosial menurut suku berlainan oleh penjajah akhirnya menyebabkan Melayu tersisih. Lumrah alam, terdapat segelintir semendaan di antara masyarakat Melayu dan bangsa asing sejak zaman pemerintahan kerajaan Funan, Langkasuka, Siam, Champa, Srivijaya dan Kesultanan Melaka. Tetapi *'induk'*, *'tunjang'* atau *'teras'* bangsa Melayu ini terlalu tua, telah bertapak seawal penerokaan pertama, masih kental dan unggul.

Ia juga membuktikan bangsa Melayu bukannya dijelmakan oleh mana-mana agenda atau seperti tanggapan sesetengah pihak, langsung tidak wujud dalam konteks keturunan bangsa sejak bermulanya tamadun manusia. Bangsa Melayu bukan sebuah bangsa yang kabur dan samar-samar asal usulnya seperti ditafsirkan oleh Timothy P. Bernard dan yang sealiran dengannya. Terlalu banyak tulisan sejarah mengenai sifat sifat bangsa dan tamadun Melayu yang dapat mengukuhkan kewujudan nama bangsa yang bukan hybrid, nama bangsa yang bukan baru ditubuhkan.

Stamford Raffles dalam artikel *'Mengenai Dunia Melayu'* yang disiarkan dalam Asiatic Researcher keluaran ke-12, menulis, beliau sebenarnya terpujau, dengan keluasan bangsa dan bahasa Melayu. Petikan dari tulisannya berbunyi:

'I cannot but consider the Melayu Nation as one people, speaking one language, though spread over so wide a space, preserving their character and customs, in all the Maritime States lying between Sulu Seas and Southern Oceans'.
(Stamford Raffles, 1816)¹⁸

Terjemahan:

"Saya tidak boleh (menolak tepi), tetapi menganggap umat Bangsa Melayu sebagai satu rumpun manusia yang bertutur menggunakan satu bahasa, tersebar pada kawasan yang begitu luas, memelihara sifat dan tradisi mereka, di semua negeri maritim di antara Laut Sulu dan Lautan Selatan..."

Melayu sebagai sebuah tamadun begitu gemilang jika dihayati apa yang pernah diungkap oleh Soekarno. Beliau berkata:

"...dari Sabang hingga ke Marouke mana ada daun nyiur melambai, kerbau berkubang, di situlah tanah airku..."
(Soekarno, 1904)¹⁹

Pendeta terkemuka Hamka turut mempertahankan bangsa Melayu apabila beliau meletakkan bahasa Melayu sebagai bahasa ibunda dan lingua franca seluruh Alam Melayu. Rumpun bangsa Melayu menggunakan bahasa Melayu untuk berkomunikasi, membuktikan bahawa bahasa Melayu sebenarnya bahasa kepada perpaduan kaum Melayu itu sendiri. Hamka yang juga terkenal sebagai pejuang bahasa Melayu-Jawi membicarakan tentang 'Sumpah pemuda 1928' yang bukan bermaksud membentuk satu bahasa baru, tetapi sebaliknya sekadar penjenamaan lain kepada bahasa sedia ada.

Itulah bahasa yang wujud sejak ribuan tahun diterima pakai di Alam Melayu. Bahasa Melayu adalah Bahasa Nasional Malaysia sementara bahasa Melayu di Indonesia di isytiharkan sebagai bahasa penyatuan, enakmen sebagai Bahasa Indonesia. Pejenamaan bahasa Melayu di Indonesia berlaku kerana desakan politik supaya diterima wakil pelbagai kumpulan rumpun etnik Melayu diumumkan pada Kongress Pemuda 1928. Apabila menyedari hakikat inilah maka Hamka memperjuangkan bahasa Melayu. Beliau berkata bangsa dan bahasa Melayu harus dinamik, harus maju, jitu dan berkembang. Keakraban dengan Semenanjung Tanah Melayu dapat dibayangkannya apabila beliau berkata:

'Sambutan ke atas diri saya, manusia yang dha'if ini, daripada rakyat di kedua-dua negara itu, sama mengharukan saya, kerana cinta saya kepada rakyat di kedua-dua negara itu pun sama, tidak berlebih tidak berkurang dan tidak berat sebelah. Cinta saya menghadapi rakyat di Ujung Pandang sama dengan cinta menghadapi rakyat di Kota Kinabalu. Mahasiswa mengerumuni saya di Universiti Kebangsaan Malaysia meminta tandatangan sama dengan kerumunan mereka di Universiti Gajah Mada Indonesia. Membaca khutbah Jumaat di Masjid Negara di Kuala Lumpur sama membaca khutbah di Masjid al-Azhar Jakarta. Berziarah di Slembah Indah Sri Menanti sama dengan pulang ke Batu Sangkar. Dan semua saya hadapi dengan bangsa dan bahasa yang satu.'...

(Hamka, 2005)²⁰

Pensejarahan tamadun dan kerajaan Melayu dalam Tuhfat al-Nafis 1865 (3 Syaaban 1282 Hijrah), salasilah Melayu-Bugis 1890 oleh Raja Ali Haji seorang ulama serta pujangga Melayu-Bugis Riau, merupakan yang pertama mencatat dasar-dasar tatabahasa bahasa Melayu melalui Pedoman Bahasa, buku yang telah menjadi piawai bahasa Melayu Indonesia dalam Kongres Pemuda Indonesia pada 28 Oktober 1928.

Dalam penegasan lain, Thomas Bowrey yang mengupas keluasan jajahan bangsa dan bahasa Melayu menulis:

'...Semenanjung yang terletak jauh ke timur Sungai Ganges di India hingga menular ke Johor di Selatan, di mana terletak penghujung benua Asia, secara amnya dikenali sebagai negeri Melayu. Ini berlaku kerana beberapa sebab, di antaranya bagi mempertahankan bahasa Melayu hingga ke hari ini, sebagai bahasa ibunda dan bahasa am seluruh negeri. Bahasa Melayu digunakan di negeri kepulauan Melayu, di pulau-pulau Sumatra, Jawa, Makasar, Bali, Cumbava, Sayar, Booton, Ceram, Maluku dan beberapa buah pulau lain dan secara amnya di semua pelabuhan sebagai bahasa perdagangan, kebanyakan tempat tersebut mempunyai dialek mereka tersendiri.'

(Thomas Bowrey, 1701)²¹

Seorang sasterawan dan sejarawan dari Sumatra Sultan Takdir Alisjahbana membuat rumusan yang sama. Petikan penulisan beliau seperti tercatat di bawah ini.

“... bangsa yang berkulit perang yang hidup di Asia Tenggara, iaitu Siam, Malaysia, Singapura, Indonesia, Brunei, dan Filipina sebagai bangsa Melayu yang berasal daripada rumpun bangsa yang satu. Mereka bukan sahaja mempunyai persamaan kulit bahkan persamaan bentuk dan anggota badan yang berbeza daripada bangsa Cina di sebelah timur dan bangsa India di sebelah barat...”

(Sultan Takdir Alisjahbana, 1987) ²²

Penulis sejarah tamadun Melayu Virginia Matheson membuat penghayatan:

...‘Hikayat Hang Tuah is the only pre-modern text to use the term Bangsa Melayu. This is not quite correct. For the term is also used in Sulalat al- Salatin. As such Tanah Melayu and Bangsa Melayu were not really invented by the British; they were codified (Statute law) yes, but this too was not something accomplished ex-nihilio.(out of nothing).’

(Virginia Matheson, 1984) ²³

Terjemahan:

‘Hikayat Hang Tuah’ merupakan satu-satunya penulisan pramoden yang menggunakan istilah Bangsa Melayu. Ini tidak tepat kerana istilah tersebut turut digunakan dalam Sulalat al-Salatin. Oleh itu Tanah Melayu dan Bangsa Melayu bukannya direka oleh British, malahan ia merupakan sesuatu yang telah tergubal (sebagai undang-undang). Ia bukan wujud tanpa apa apa.

Pandangan John Tiffany terhadap Melayu :

... “no doubt conjure mental impressions of a people long particular to Malaysia, Indonesia and its surrounding areas. But Melayu bloodlines run strong from the Philippines to Madagascar. They constitute possibly the world’s most culturally and linguistically fractioned sub race.

(John Tiffany, 2007) ²⁴

Terjemahan:

...walaupun istilah Melayu menimbulkan bayangan sesuatu kaum yang telah begitu lama berada di Malaysia dan Indonesia dan kawasan-kawasan di sekelilingnya, namun pertalian darah Melayu amat ketara dari Filipina hingga ke Madagascar. Bangsa Melayu merupakan bangsa yang mempunyai pecahan bahasa dan budaya yang terbanyak di dunia.

SEJARAH TAMADUN ALAM MELAYU ASAL USUL MELAYU INDUKNYA DI BENUA SUNDA

Kira-kira 20 tahun yang lalu, dua penyelidik antropologi (Wan Hashim) dan arkeologi (Nik Hassan Suhaimi) di Institut Alam dan Tamadun Melayu, Universiti Kebangsaan Malaysia telah mengemukakan dapatan kajian mereka menolak teori besar bahawa bangsa Melayu berasal dari Wilayah Yunnan atau Selatan Negeri China (tersiar dalam semua akhbar harian Melayu dan Inggeris, 5 Sept. 1994). mengemukakan teori bahawa migrasi moyang kepada rumpun Melayu dari kabilah Negrito komposit dari Semang dan Senoi adalah secara terus menerus dari benua Afrika melalui Timur Tengah ke benua Melayu Sunda atau Alam Melayu di antara 65,000-75,000 tahun yang lalu. Dalam sebuah buku lain, 'Eden in the East; The Drowned Continent of Southeast Asia' seperti disebut dalam tulisan ahli falsafah Greek Plato (330 SM) adalah benua Melayu Sunda; dan pandangan ini disokong oleh beberapa sarjana lain.

Penyelidik dan Penulis Utama buku ini, Zaharah Sulaiman telah menghabiskan masa tujuh tahun mengumpul bahan dan meneliti lebih 1,000 sumber penyelidikan dari tokoh-tokoh penyelidik berwibawa dunia, yang telah membuat rumusan bahawa:

- i) Prof. Martin Richards diantara dua 'researcher achaeogenetics' terkemuka di dunia menyimpulkan, 'keputusan terbaru mencadangkan bahawa Saudi sememangnya 'Pentas Pertama' (first staging post) dalam penyebaran manusia moden ke seluruh dunia' Pedro Sores, Martin Richards et.al. 2012, 'The Arabian Cradle: Mitochondrial Relicts of the First Steps along the Southern Route out of Africa' University of Leeds, dan Benua Melayu Sunda adalah antara tapak permulaan tamadun awal manusia, 'gene pool' 'kolam pembenihan etnik' dan pembentukan bangsa Melayu Induk dalam evolusi puluhan ribu tahun.
- ii) Bahawa Penghuninya adalah Peneroka dalam ilmu pelayaran sehingga mereka di beri gelaran 'vikings of the orient' dalam 'The Malays - A People of Fascinating Divisions' oleh John Tiffany, Pembina kapal yang lebih besar daripada Flor De La Mar kebanggaan Portugis (Gasper Correia, 1563).
- iii) Pentadbir Empayar Melayu Funan, Champa, Kedah Tua, Empayar Srivijaya, Empayar Langkasuka hingga ke Kelantan, Empayar Melaka sebagai sebuah pelabuhan perdagangan terbesar di dunia pada abad ke2 - 15 mengatasi pelabuhan Venice (Tome Pires, 1944).
- iv) Pembina puluhan kerajaan dan negara kota sebelum satu demi satu ia diceroboh, serta dimusnah oleh kuasa-kuasa Eropah dan kabilah-kabilah jiran yang lebih agresif mulai awal kurun ke-16. Dan zaman itulah juga bermulanya kejatuhan dan kemunduran rumpun bangsa Melayu-Polinesia yang berjumlah lebih 400 juta manusia, menduduki sekitar satu per-enam muka bumi ini.

Buku Sejarah Tamadun Alam Melayu ini membentangkan beberapa idea dan dapatan terbaru dalam penyelidikan ilmiah mengenai ASAL USUL BANGSA MELAYU, yang pastinya akan mencetus kontroversi dan polimik berpanjangan serta menarik minat bagi mereka yang terbuka minda ingin mengetahui secara lebih mendalam tentang perkembangan tamadun di Alam Melayu dan tentang penghuninya yang asal.

Profesor Emeritus Dato' Dr Wan Hashim Wan Teh

